

## К ОПУБЛИКОВАНИЮ

### КОМИ РЕСПУБЛИКАСА ВЕСЬКӖДЛАН КОТЫРЛӖН ШУӖМ

#### Коми Республикаса канму гражданскӧй служажӧйяслы сьӧмӧн видзӧмсӧ арталан пӧрадок вынсьӧдӧм йылысь

«Россия Федерацияса канму гражданскӧй служба йылысь» Федеральнӧй оланпасын 50 статьяса 8<sup>1</sup> юкӧн, «Коми Республикаса канму гражданскӧй службаын ӧткымын юалӧм йылысь» Коми Республикаса Оланпасын 1<sup>1</sup> статьялӧн 3 юкӧнса 2<sup>1</sup> пункт серти Коми Республикаса Воськӧдлан котыр шуис:

1. Вынсьӧдны Коми Республикаса канму гражданскӧй служажӧйяслы сьӧмӧн видзӧм арталан пӧрадоксӧ содтӧд серти.

2. Лыддыны вынтӧмӧн:

«Коми Республикаса канму гражданскӧй служажӧйяслы сьӧмӧн видзӧмсӧ арталӧм йылысь» Коми Республикаса Воськӧдлан котырлысь 2008 во тӧвшӧр тӧлысь 21 лунся 9 №-а шуӧм;

«Коми Республикаса канму гражданскӧй служажӧйяслы сьӧмӧн видзӧмсӧ арталӧм йылысь» Коми Республикаса Воськӧдлан котырлӧн 2008 во тӧвшӧр тӧлысь 21 лунся 9 №-а шуӧмӧ вежсьӧмьяс пыртӧм йылысь» Коми Республикаса Воськӧдлан котырлысь 2021 во рака тӧлысь 9 лунся 101 №-а шуӧм.

3. Тайӧ шуӧмыс вынсялӧ сійӧс официальной йӧзӧдан лунсянь.

Коми Республикаса Воськӧдлан котырӧн  
Юрнуӧдысьӧс Медводдза вежысь

Э. Ахмеева

Сыктывкар  
2023 вося урасьӧм тӧлысь 9 лун  
55 №

ВЫНСЬӨДӨМА  
Коми Республикаса Вєськөдлан котырлөн  
2023 во урасьом тöлысь 9 лунся 55 №-а шуөмөн  
(содтөд)

Коми Республикаса канму гражданскöй служащöйяслы  
сьөмөн видзөмсö арталан  
**ПÖРАДОК**

1. Тайö Пöрадокыс индö Коми Республикаса канму гражданскöй служащöйяслы сьөмөн видзөм арталан правилöяссö (водзö лöсялөмөн – Коми Республикаса гражданскöй служащöй, сьөмөн видзөм) сэк, кор:

а) колö сьөмөн видзөмыс:

быдвоя мынтан отпускын лоан период вылö;

уджсикасын содтөд төдöмлун босьтан (уджсикас серти төдöмлун бурмөдан, квалификация кыпөдан), а сідзжö служебнöя стажируйтчан период вылö;

служебнöй командировкаын лоан период вылö;

Коми Республикаса уджалан канму гражданскöй служба чинысь мездан период вылö (водзö – Коми Республикаса гражданскöй служба) (период вылö, кор абу лэдзöма пöртны олөмö чина кывкутана могъяссö) «Россия Федерацияса канму гражданскöй служба йылысь» Федеральнöй оланпаслөн 32 статьяса 2 юкөнөн урчитөм подувъяс серти (водзö – Федеральнöй оланпас);

б) мынтöны:

быдвоя мынтан отпуск юкөн, мый вевтыртö 28 календарнöй лун, либö тайö юкөнысь кöть кутшөм лун лыд серти сьөмөн компенсация (Федеральнöй оланпаслөн 46 статьяса 9<sup>3</sup> юкөн);

босьттөм отпускъясысь сьөмөн компенсация, мый мынтöны служебнöй контракт бырөдигөн либö дугөдигөн, Коми Республикаса уджалан гражданскöй служба чинысь мездигөн да Коми Республикаса гражданскöй службаысь вештигөн (Федеральнöй оланпаслөн 46 статьяса 13 юкөн);

4 тöлысья сьөмөн видзөм мындаын сьөмөн компенсация, мый мынтöны Федеральнöй оланпасын 37 статьялөн 1 юкөнса 8<sup>1</sup> – 8<sup>3</sup> пунктъясөн урчитөм подувъяс серти служебнöй контракт дугөдигөн (Федеральнöй оланпаслөн 37 статьяса 3<sup>1</sup> юкөн);

сьөмөн компенсация, мый содтөд мынтöны Федеральнöй оланпасын 37 статьялөн 1 юкөнса 8<sup>2</sup> да 8<sup>3</sup> пунктъясөн урчитөм подувъяс серти Коми Республикаса олөмö пöртысь власьт органысь, Коми Республикаса канму органысь вештан лунсянь 5-өд да 6-өд тöлысьясысь (Федеральнöй оланпаслөн 37 статьяса 3<sup>2</sup> юкөн);

колян сьөмөн видзөм мындаын содтөд сьөмөн компенсация, мый мынтöны Федеральнöй оланпасын 37 статьялөн 1 юкөнса 8<sup>2</sup> да 8<sup>3</sup> пунктъясөн урчитөм подувъяс серти служебнöй контракт дугөдигөн Коми

Республикаса гражданскöй служба чинсö чинтöмкöд либö Коми Республикаса олöмö пöртысь власьт органсö, Коми Республикаса канму органсö бырöдöмкöд йитöдын уджысь лоан вештöм йылысь юöртан 2 тöлысья кадколаст помасьтöдз (Федеральнöй оланпаслөн 31 статьяса 7 юкөн);

4 тöлысья сьöмөн видзöм мындаын сьöмөн компенсация, мый мынтöны ротация пöрадокын Коми Республикаса гражданскöй служба чинын уджалöм йылысь срочнöй служебнöй контракт дугöдигөн, Федеральнöй оланпаслөн 60<sup>1</sup> статьяса 9 юкөннын индöм случайясын уджалан чинысь мездигөн да Коми Республикаса гражданскöй службаысь вештигөн (Федеральнöй оланпаслөн 35 статьяса 5 юкөн);

тöлысья сьöмөн видзöм мындаын сьöмөн компенсация, мый мынтöны Федеральнöй оланпасын 33 статьялөн 1 юкөнса 11 пунктөн урчитöм подув серти служебнöй контракт бырöдигөн сэк, кор служебнöй контракт кырымалан быть колана урчитöм правилöяссö торкалöма абу Коми Республикаса гражданскöй служащöйлөн мыж вöсна (Федеральнöй оланпаслөн 40 статьяса 2 юкөн).

2. Тайö Пöрадокыс оз паськав Коми Республикаса гражданскöй служащöйяс вылö, кодьяслы уджысь мынтысьöны уджикас серти служебнöй уджын окталун да бöртас петкöдласьяс серти да кодьяслы Федеральнöй оланпаслөн 50 статьяса 14 юкөн серти урчитöма уджысь мынтысян торья пöрадоксö.

3. Тайö Пöрадоклөн 1 пунктөн урчитöм случайясын сьöмөн видзöмсö арталöм могысь тöд вылö босьтöны мынтöмьяс, кутшöмьяс пырöны сьöмөн видзöмö, кытчö пырöны:

а) Коми Республикаса гражданскöй служащöйлөн тöлысья оклад Коми Республикаса гражданскöй службаын сыөн уджалан чин серти (водзö – чина оклад) да Коми Республикаса гражданскöй служащöйлөн тöлысья оклад Коми Республикалөн гражданскöй службаын сылы индöм класснöй чин серти, кутшöмьяс артмöдöны сьöмөн видзан тöлысья оклад (водзö – сьöмөн видзан оклад);

б) Коми Республикаса гражданскöй службаын уна во уджалöмысь чина оклад дорö быдтöлысья содтöд;

в) Коми Республикаса гражданскöй службаын торья условиясысь чина оклад дорö быдтöлысья содтöд;

г) канму гусяторйö пырысь тöдмөгьясөн уджалöмысь чина оклад дорö быдтöлысья прöчента содтöд;

д) быдтöлысья сьöмөн ошкöм;

е) премияяс, сы лыдын зэв тöдчана да сьöкыд могьяс збыльмöдöмысь;

ж) быдвося мынтан отпуск сетигөн öтчыдысь мынтöм, мый мынтöны Коми Республикаса гражданскöй служащöйяслы уджысь мынтысян фондусь сьöм тшöт весьтö;

з) материалнöй отсöг, мый мынтöны Коми Республикаса гражданскöй служащöйяслы уджысь мынтысян фондусь сьöм тшöт весьтö.

4. Съёмон видзёмсö арталігөн тайö Пöрадоклön 3 пунктын индöм мынтöмьяс кындзи содтöд тöд вылö босьтöны:

а) канму гусятор видзём серти тэчас юкöдувьясын уджалан стажысь чина оклад дорö быдтöлысья прöчента содтöд, мый мынтöны Коми Республикаса гражданскöй служащöйяслы уджысь мынтысян фондусь съём тшöт весьтö;

б) оланпастэчасөн да Россия Федерацияса мукöд нормативнöй инöда актөн урчитöм быдтöлысья мукöд содтöд да быдтöлысья мукöд мынтöм, кутшöмьясöс урчитöны чина окладьяслөн лыдын либö чина окладлөн прöчентьясын, кутшöмьясöс мынтöны Коми Республикаса гражданскöй служащöйяслы уджысь мынтысян фондусь съём тшöт весьтö, мукöдторсö кө абу урчитöма Россия Федерацияса индöм нормативнöй инöда актьясөн.

5. Тайö Пöрадоклön 3 – 4 пунктьясын индöм мынтöмьяс вылö вöдитчöны районнöй коэффицентөн, Ылі Войвыв районьясын да накöд öткодялöм местаясын уджалан стажысь съёмон видзём дорö прöчента содтöд мындаын, кутшöмьясöс урчитöма Россия Федерацияса лöсялана нормативнöй инöда актьясөн да Коми Республикаса нормативнöй инöда актьясөн.

6. Тайö Пöрадоклön 1 пунктса «а» пунктулөн урчитöма случайясын Коми Республикаса гражданскöй служащöйлы колян съёмон видзёмсö арталöны лöсялана став периодусь кыдзи збыльвылас уджалöм кадысь.

Та дырйи колян съёмон видзöмыс артмö съёмон видзан окладысь да содтöд мынтöмьясысь, кутшöмьясöс урчитöма тайö Пöрадоклön 3 пунктса «б» – «д» пунктувьясөн да 4 пунктөн.

Коми Республикаса гражданскöй служащöйлөн быдвоя мынтан отпускын лоан период вылö съёмон видзёмсö арталігөн колян съёмон видзём дорö содтöд сідзжö тöд вылö босьтöны мынтöмьяслысь 1/12 мындасö, кутшöмьясöс урчитöма тайö Пöрадоклön 3 пунктса «е» да «з» пунктувьясөн, кутшöмьясöс урчитöма Коми Республикаса гражданскöй служащöйлы 12 календарнöй тöлысь чöжөн, кутшöмьяс мунöны быдвоя мынтан отпускö мунан лун водзын.

Коми Республикаса гражданскöй служащöйлөн быдвоя мынтан отпускын лоан период вылö съёмон видзан мындасö арталöны арталöм съёмон видзёмсö 29,3 вылö юкöмөн (вонас тöлысьын календарнöй луньяслөн шöркодъ лыд) да отпусклөн календарнöй лун лыд вылö унаалöмөн.

7. Тайö Пöрадокын 1 пунктлөн «б» пунктувса мöд абзацөн урчитöм съёмон компенсация серти рöштшöт вöчöм могысь съёмон видзёмсö арталігөн тöд вылö босьтöны индöм компенсация мынтöм йылысь тшöктöд йöзöдан кадпас вылö Коми Республикаса гражданскöй служащöйлы урчитöм съёмон видзан окладлысь да мукöд мынтöмлысь мындасö, кутшöмьясöс урчитöма тайö Пöрадоклön 3 пунктса «б» – «д» пунктувьясөн да 4 пунктөн, а сідзжö мынтöмьяслысь 1/12 мындасö, кутшöмьясöс урчитöма тайö Пöрадоклön 3 пунктса «е» – «з» пунктувьясөн, кутшöмьясöс индöма сылы 12 календарнöй тöлысь чöжөн,

кутшӧмъяс мунӧны компенсация мынтӧм йылысь тшӧктӧд йӧзӧдан кадпас водзын.

Тайӧ Пӧрадокын 1 пунктлӧн «б» пунктуса коймӧд – витӧд, сизимӧд да кӧкъямысӧд абзацясӧн урчитӧм сьӧмӧн компенсацияс серти рӧштшӧт вӧчӧм могысь сьӧмӧн видзӧмсӧ арталігӧн тӧд вылӧ босьтӧны Коми Республикаса гражданскӧй служащӧйлы ськӧд служебнӧй контракт дугӧдан кадпас вылӧ урчитӧм сьӧмӧн видзан окладлысь да мукӧд мынтӧмлысь мындасӧ, кутшӧмъясӧс урчитӧма тайӧ Пӧрадоклӧн 3 пунктса «б» – «д» пунктувьясӧн да 4 пунктӧн, а сідзжӧ мынтӧмъяслысь 1/12 мындасӧ, кутшӧмъясӧс урчитӧма тайӧ Пӧрадоклӧн 3 пунктса «е» – «з» пунктувьясӧн, кутшӧмъясӧс индӧма сылы 12 календарнӧй тӧлысь чӧжӧн, кутшӧмъяс мунӧны служебнӧй контракт дугӧдан кадпас водзын.

Тайӧ Пӧрадокын 1 пунктлӧн «б» пунктуса мӧд да коймӧд абзацясӧн урчитӧм сьӧмӧн компенсацияс серти рӧштшӧт вӧчӧм могысь сьӧмӧн видзан мындасӧ арталӧны арталӧм сьӧмӧн видзӧмсӧ 29,3 вылӧ юкӧмӧн (вонас тӧлысьын календарнӧй лунъяслӧн шӧркодъ лыд) да отпусклӧн босьттӧм календарнӧй лун лыд вылӧ, кутшӧмъясӧс колӧ вежны, унаалӧмӧн.

8. Тайӧ Пӧрадокын 1 пунктлӧн «б» пунктуса квайтӧд абзацӧн урчитӧм сьӧмӧн компенсация серти рӧштшӧт вӧчӧм могысь сьӧмӧн видзӧмсӧ арталігӧн тӧд вылӧ босьтӧны Коми Республикаса гражданскӧй служащӧйлы ськӧд служебнӧй контракт дугӧдан кадпас вылӧ урчитӧм сьӧмӧн видзан окладлысь да мукӧд мынтӧмлысь мындасӧ, кутшӧмъясӧс урчитӧма тайӧ Пӧрадоклӧн 3 пунктса «б» – «д» пунктувьясӧн да 4 пунктӧн.

Тайӧ Пӧрадокын 1 пунктлӧн «б» пунктуса квайтӧд абзацӧн урчитӧм сьӧмӧн компенсация серти рӧштшӧт вӧчӧм могысь сьӧмӧн видзан мындасӧ арталӧны арталӧм сьӧмӧн видзӧмсӧ 21 вылӧ юкӧмӧн (вонас тӧлысьын уджалан лунъяслӧн шӧркодъ лыд) да периодын, кутшӧмысь колӧ мынтыны, служебнӧй лунъяслӧн лыд вылӧ унаалӧмӧн.

9. Сэж, кор тайӧ Пӧрадоклӧн 6 да 7 пунктъяс серти колян сьӧмӧн видзӧмсӧ либӧ сьӧмӧн компенсациясӧ мынтан лун вылӧ Коми Республикаса гражданскӧй служащӧй уджаліс Коми Республикаса гражданскӧй служба чинын 12 календарнӧй тӧлысьысь этшаджык, сьӧмӧн видзӧм серти рӧштшӧт вӧчигӧн тайӧ Пӧрадоклӧн 3 пунктса «е» – «з» пунктувьясӧн урчитӧм мукӧд мынтӧмсӧ сідзжӧ тӧд вылӧ босьтӧны ӧтувья мындалӧн 1/12 мындаын, мыйта индӧма збыльвылас уджалӧм кадысь.

10. Сэж, кор сьӧмӧн видзӧмсӧ колян периодын содтісны (индексируйтісны) сьӧмӧн видзан окладсӧ да (либӧ) мукӧд мынтӧмсӧ, арталӧм сьӧмӧн видзӧмсӧ содтӧны (индексируйтӧны) содтӧм (индексируйтӧм) йылысь лӧсялана помшуйӧм вынсялан лунсянь да индӧм период помасьтӧдз.